

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

PENGUMUMAN HARGA MAKSIMUM SKIM HARGA MAKSIMUM MUSIM PERAYAAN KRISMAS 2021

KUCHING, 20 Disember 2021 – Kementerian Perdagangan Dalam Negeri dan Hal Ehwal Pengguna (KPDNHEP) terus komited untuk memastikan **Keluarga Malaysia** dilindungi dan tidak terbeban dengan peningkatan kos sara hidup ketika ini.

2. Kementerian telah melaksanakan **Skim Harga Maksimum Keluarga Malaysia (SHMKM)** pada 7 Disember 2021 dan sedang berkuatkuasa sehingga 31 Disember 2021 bagi 12 jenis barangan sebagai langkah untuk menstabilkan harga barangan seperti ayam, telur ayam dan sayuran di samping memastikan keberadaan bekalan di pasaran.
3. Permintaan terhadap barangan keperluan asas tertentu dijangka meningkat ketika musim perayaan Krismas yang bakal disambut pada 25 Disember 2021.
4. Sebagai langkah untuk menstabilkan harga barangan dan memastikan keberadaan bekalan keperluan asas tertentu sepanjang musim perayaan Krismas akan datang, di samping harga-harga maksimum yang sedang berkuatkuasa melalui SHMKM, Kementerian meneruskan kesinambungan kawalan harga dengan melaksanakan **Skim Harga Maksimum Musim**

Perayaan (SHMMP) Krismas 2021 yang akan berkuatkuasa pada **23 Disember 2021 sehingga 31 Disember 2021** iaitu dua (2) hari sebelum perayaan, semasa perayaan dan enam (6) hari selepas perayaan.

5. Sebanyak lapan (8) jenis barangan harga terkawal akan dikuatkuasakan melibatkan kategori ayam, sayur, daging kambing dan daging babi.

6. Jumlah barangan harga terkawal bagi pelaksanaan Skim Harga Maksimum Keluarga Malaysia (SHMKM) dan Skim Harga Maksimum (SHMMP) Krismas 2021 adalah melibatkan **20 jenis barangan** daripada **kategori ayam, telur ayam, sayur, daging kambing dan daging babi.**

7. Senarai barangan harga terkawal bagi SKIM HARGA MAKSIMUM MUSIM PERAYAAN (SHMMP) KRISMAS 2021 adalah seperti berikut:

- (1) Ayam belanda import;
- (2) Ayam tua hidup (*Harga maksimum di Sarawak sahaja);
- (3) Kepak Ayam (*Harga maksimum di Sabah, Sarawak & Labuan sahaja);
- (4) Daging kambing biri-biri import bertulang;
- (5) Lada benggala hijau;
- (6) Babi hidup (Kawalan diperingkat ladang sahaja);
- (7) Daging babi (perut)
(*Harga maksimum di Sabah, Sarawak & Labuan sahaja);dan
- (8) Daging babi (daging dan lemak) (*Harga maksimum di Sabah, Sarawak & Labuan sahaja).

8. Senarai barangan harga terkawal bagi SKIM HARGA MAKSIMUM KELUARGA MALAYSIA (SHMKM) yang sedang berkuatkuasa pula adalah seperti berikut:

- (1) Ayam hidup;
- (2) Ayam standard (disembelih dan dibersihkan berserta kaki, kepala, hati dan hempedal atau mana-mana bahagiannya);
- (3) Ayam super (disembelih dan dibersihkan tanpa kaki, kepala, hati dan hempedal);
- (4) Telur ayam gred A (berat antara 65.0 gram hingga 69.9 gram sebiji);
- (5) Telur ayam gred B (berat antara 60.0 gram hingga 64.9 gram sebiji);
- (6) Telur ayam gred C (berat antara 55.0 gram hingga 59.9 gram sebiji);
- (7) Kacang Panjang;
- (8) Cili merah;
- (9) Tomato;
- (10) Sawi;
- (11) Kobis Bulat Import (Indonesia dan China tidak termasuk Beijing); dan
- (12) Timun

9. **KPDNHEP dan Kementerian Pertanian dan Industri Makanan (MAFI)** akan bekerjasama dengan melakukan pemantauan untuk memastikan bekalan barangan adalah mencukupi dan harga di pasaran stabil.

10. Pegawai Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP) juga akan berada di lokasi-lokasi yang menjadi tumpuan orang ramai membeli-belah seperti pasar awam, pasar tani dan pasaraya untuk menjalankan pemeriksaan dan pemantauan. Langkah-langkah ini mencerminkan usaha berterusan bagi melindungi **Keluarga Malaysia** daripada aktiviti pengambilan keuntungan yang berlebihan oleh peniaga-peniaga yang tidak beretika.

11. Kementerian turut mempertingkatkan pemantauan harga melalui Pegawai Pemantau Harga (PPH) yang menjalankan pemantauan harga barangan keperluan asas di seluruh Negara.

12. Adalah diingatkan bahawa **tindakan tegas akan diambil terhadap peniaga yang gagal mematuhi peraturan-peraturan di bawah skim ini.** Mana-mana peniaga yang melakukan kesalahan akan diambil tindakan di bawah Akta Kawalan Harga dan Antipencatutan 2011 dan boleh dikenakan penalti seperti berikut:

(i) **Kesalahan menjual barangan harga terkawal melebihi harga maksimum:**

(a) **Individu;** boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000; dan

(b) **Syarikat;** boleh didenda sehingga RM500,000 atau dikompaun sehingga RM250,000;

(ii) **kesalahan gagal meletakkan tanda harga berwarna merah jambu** bagi barangan harga terkawal:

(a) **individu**; boleh didenda oleh mahkamah sehingga RM10,000 atau dikompaun sehingga RM5,000; dan

(b) **syarikat**; boleh didenda sehingga RM20,000 atau dikompaun sehingga RM10,000.

13. Sekiranya pengguna mempunyai maklumat berkenaan salah laku pihak-pihak tertentu berhubung perkara ini boleh melaporkan kepada KPDNHEP melalui saluran berikut:

- i. WhatsApp 019-279 4317
- ii. Portal e-aduan KPDNHEP
- ii. Call Centre 1-800-886-800
- iii. Emel e-aduan@kpdnhep.gov.my
- iv. Ez ADU KPDNHEP
- v. Pusat Arahan Penguatkuasaan (ECC)
03-8882 6088/6245

YB Dato Sri Alexander Nanta Linggi
Menteri Perdagangan Dalam Negeri
dan Hal Ehwal Pengguna
PUTRAJAYA,

20 Disember 2021

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapkan dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan niaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :

